



戒語彙卷

和國龍江沈鯉著

後學濱南陶珙輯

男以猷督梓

文雅社約節畧

宴會

設席過豐則多戕物命多損精力多費貲財多
折輻分或客嘗醉飽之後見主人舉觴不得
不舉者益反爲多設所苦甚於天物亦甚耳

穀詒彙卷



後學滇南陶珙輯

相國龍江沈鯉著

男以鑄督梓

文雅社約節畧

宴會

設席過豐則多戕物命多損精力多費貲財多
折福分。或客當醉飽之後見主人舉筯不得
不舉者。蓋反爲多設所苦。暴殄天物亦甚可

惜

古人不常殺牲。亦不皆食肉。禮云。諸侯無故不殺牛。大夫無故不殺羊。士無故不殺犬豕。此知其不常殺牲也。左氏云。肉食者謀之。肉食者無墨。食肉之祿。冰皆與焉。此知其不皆食肉也。今市肆魚肉品味甚多。以克俎實。儘自足用。又何必更宰雞鵝。求備物哉。昔人云。食者甚矣。死者甚矣。知未必食乎。君子有敬客

之心。不可無仁物之心也。

宴取成禮。酒以合歡。主人款客。只可相勸。不可相強。沉湎淋漓。至於生禍。悔且無及。何歡之有。賓之初筵。所宜三復。

揖讓

老氏云。自勝者強。考亭註強哉矯。章句亦云。自勝其人欲之私。夫人欲之私。爭忿其一也。人若於此處能強制不動。非有大涵養大力量。

者不能。其出而任事。必且能砥柱中流。解紛
排難。皆平時所翕聚然也。彼按劍疾視者。何
爲哉。

爭忿最難忍。若忍得過去。却便有許多受用。不
能忍而致禍患。所謂一慙之不忍。而終身慙
也。苟念及此。忿心自息。

交際

親朋往來之禮。只可視情義疎密。以爲隆殺。若

乃計家道貧富。作青白俗眼。量子姓興衰。爲
炎涼世態者。則市井交易之道。而風俗薄惡。
最明顯者也。有道君子。必不其然。

禮尚往來。雖本人情。君子有施。亦盡其在我者
而已。不必過責望于人。

冠服

冠加于首。最宜雅重。衣以章身。惟貴明潔。服色
貴雅素。無貴淫靡。制度取適中。勿徇時樣。則

所謂服堯之服者。其是耶。慎無以儒者而受
變于俗也。

未冠勿遽稱別號。未娶勿遽衣文錦。禮老少異
糧。童子不衣裘帛。夫不衣裘帛者。非止謂年
幼不宜。亦使知老少之分。知惜福。知養正于
蒙也。

僕從衣履。不可與主人相疑。所以正名分。而尊
其主也。達禮者審之。

閑家

禮與敬。有家之善物也。人情每詳外而畧內。故根本之地。已先不正。豈能及遠。自己一身。且不足觀。豈足爲子弟觀法。所以士君子居家。須莊敬日強。禮儀卒度。不可以狎近忽之也。宦家子弟。凡居食器用。僕從輿馬之類。所貴雅淡。不宜使俗氣撲人。

馭下

凡騶從不宜太侈。蓋吾輩鄉宦皆好省事。而僕從則務喜多事。惟多事。故僕從亦一鄉宦也。假令一鄉宦使十人。十鄉宦使百人。則一邑有百鄉宦矣。嗚呼。一邑中百鄉宦。其氣燄豈不薰塞邑里。無復有空閑處所耶。矧復有兄弟子姪。亦皆以鄉宦行事。而僕從亦皆稱鄉宦僕從也。於鄉人何堪矣。夫一人之身而人乏藉我爲用者。若此其衆。吾兩手兩目旣不

能徧戢之。乃猶復招延之未已。豈不益自苦哉。予旣已驗之久。知之真。何敢不盡言與諸公相告。大凡僕從。只將就足用。不必太多。太多則衣食于我者侈矣。故曰官事不攝焉得儉。言侈也。夫公家不堪侈。況養之私家乎。若謂有不衣不食而爲我服役者。則益不可。何也。彼不衣不食。而爲我服役者。非徒也。必借我以營私。吾因彼以斂怨。則我之役彼者。一

時奔走之微勞。而彼之役我者。終身名節之
大竅也。此詎我役彼。而實彼役我也。奈何役
人者。而反爲人役哉。縱不然。而堂堦之上。森
然林立。車馬之間。簇如雲湧。亦甚非有道者
宜處矣。

吾笞責僕婢。則推吾愛子女之心。吾婚嫁子女。
則推彼爲父母之心。不寧惟是。卽寒暑饑飽。
疾病勞佚。與其心曲中微隱有疑慮而不敢

聲言者。俱一一體息之。而後得處下之道。

田宅

田爲常產。所不可無。然惟貴約而易守。實而得用。不必太侈。太侈則不免多費貲本。多有荒蕪。多損精力。多招詞訟。多辦糧差。而計其所入。亦卒與約者實者。不相上下。何以侈爲。夫境內田畝。止有此數。吾擅其無用者太多。則田價必踴。田價踴。則中人家。必不能皆有。

田而吾用亦荒。彼此俱困。是我無專利之名。而陰實有碍於人也。人但知衣服飲食之侈。爲不可。而豈知田宅之侈之尤不可乎。觀往事可知也。

兄弟以財產相訟者。如兩人爭一玉卮。各將其半。雖奪得在手。無益于用。徒自取戮辱而已。

器用

燕器除純金。例不得用。其諸凡銀器等物。則亦

壽盜之資也。當筵有失。稍一根求。賓客從人。必皆動色。招尤起釁。且自茲始。反不若陶匏瓦缶爲便也。他如珍寶重玩。是謂尤物。人見之。無不垂涎。而傳家至寶。其與人必多吝惜。求而不與。禍且立至。何者。凡有求此等物者。必皆有氣力。能禍福人者也。而蓄此物爲人所求者。必門祚已衰。可中之以禍者也。平泉醒酒之石。至不能保其佳子弟。非所謂匹夫

無罪。懷璧其罪哉。亦可爲千古明鑒矣。

里中富人。艱難起家者。其居家器用。多不求備。亦不求華美。及後子孫萌心侈大。則反笑前人爲吝。爲野。一服一玩。無不盡飾。甚至有一扇之資。可飽百人者。豈不可惜。然亦不旋踵而遂索然矣。

勸義

施藥不如施方。俗有是言。乃田野小民。常苦於

無錢取藥。遂以至死者。殊爲可傷。予每聞人
言海上單方。有不費一錢。可取奇効者。余每
嘗試之。果驗。如好義君子。肯各出所聞。遍貼
於人烟湊集之處。則濟人陰德。比於施藥。相
去霄壤矣。

世有自然之利。而又有不怨之利。乃無有言及
者何哉。凡多積陰德。諸福自至。這一般利。是
取之于天。盡力農事。加倍收入。這一般利。是

取之於地。善教子孫。後嗣昌盛。這一般利。是
取之於人。諸如此利。俱不用文約。不費貲本。
不定分數。不用追討。不傷和氣。不取怨惡。不
招詞訟。不致坑陷。不怕花費。却正大光明。傳
得久遠。何以不爲此。而爲彼也。

人情聞人善。未必肯聽。聞不善。則樂意相傳。世
風薄惡。莫此爲甚。吾屬其相務反之。

士君子處心行事。須要以利人爲主。利人原不

在大小。但以吾力量所能稍與人行些方便。卽是有益于人。人當渴時。與一杯水。卽是恩惠。顧惟在行之可久耳。豈可謂小善不足爲。

明微

士君子之所謂義利者。與齊民異。齊民雖服商力。賈孳孳爲利。惟不虧公道。合人心。卽便是義。若士君子。則有不察雞豚。不畜牛羊。與拔園葵。斷織絰之說。夫雞豚牛羊。園葵織絰。豈

奪之民間者哉。而以爲非義。則士君子之所爲義利者。亦論其微矣。

人恒言不愧屋漏。夫屋漏何能知。何能言。愧與不愧。亦何能辨之。夫惟妻孥僕從者。日侍吾左右。而見吾至隱。是屋漏之能知能言者。人能不愧于妻孥僕從乎。卽不愧屋漏矣。

面諛之辭。有識者未必知。感背後之議。銜之者常至刻骨。彼作好作惡者。徒自苦而已。

凡兩怒則必有溢惡之言。溢惡之言與之相傳。是挑釁也。以忠厚存心者不如是。

士君子聚談間。若只依傍道理。而藉以和氣平心。自有深趣。自有浹洽。戲謔談諧。恐其始乎陽。卒乎陰矣。酒中言語尤易支離。所宜相戒。至愚之人。必不肯詛毀其父母。苟行事乖方。鋟刻人意。人有不毀及父母者耶。然則非自毀之也。一聞耳爲人子者。宜兢兢在意焉。

兩造之詞其理直何待人言其理曲。安可與言。
此君子所以貴慎言也。

仕宦居鄉百凡炫耀。所謂衆皆悅之其爲士者
笑之也。

仕宦居家被人侵侮固亦常有是事。然畢竟是
我好處。若使人望影遠避。無敢拾田中一穗
者。雖足快意。其爲人可知矣。

荒歲餓殍載道。而富貴之家歌舞歡呼。似非所

宜

小民非能壞風俗以觀望所不載也。其惟士大夫之責與士大夫家百凡好尚不可不慎。

身儉

夫日用事物之爲侈侈矣。然必有由侈者身是也。蓋身其本乎。日用事物者其身之運乎。孔子曰。以約失之者鮮矣。疏者曰。不侈然以自放之謂約。則身儉之說也。而本其在茲矣。意。

一將以仁義道德物吾身。以綱常禮樂範吾身。
以忠孝大節立吾身。以謙和退讓保吾身。以
不殖貨利浴吾身。以貞靜寧一定吾身。而後
爲身儉而後爲不侈乎。身不侈而日用事物
不必一一置簡枰。隆峻約之爲尚。而自可不
至于侈也。此提綱挈領之義也。

心儉

夫身儉本矣。有本之本者心是也。心在乎密所

好尚。心好靜。則必不好動。不好動。何侈。心
簡。則必不好煩。不好煩。何侈。心好雅。則必不
好俗。不好俗。何侈。心好淡。則必不好濃。不好
濃。何侈。故雅靜簡淡者。皆以養吾心。而正吾
本之本者也。其不然者。雖稍能勉強于一時。
而見獵喜心。忽不覺引我去。蓋身爲侈藪。豈
復能移風易俗哉。故曰有本之本矣。

勸施迂談

余性有所偏。每見人饑寒可隱者。則不覺擾
擾焉。欲施。施則悅。故每爲煦煦小惠。以自取
適焉。頃歲侵。乃至竭盆盎所有。與繼之稱貸
者。以應人之求。亦自知過矣。然不能裁節也。
抑所瘠幾何。語有云。人之欲善。誰不如我。舉
爾所知。爾所不知。人其舍諸。余有味斯言也。
乃託爲富人。憐貧人者。語以勸夫世之好行
其德者。其語曰。

嗚呼世事一何其參差。不齊哉。然未可一二指
數也。姑聊舉所見。吾每當賓筵。極醉飽。主人
方薦珍無已。強之大嚼。予蹙然舉箸不能下。
而貧人有終身不知肉味者。有饑餓死者。吾
冬裘夏葛。涼燠以時。猶欲盛紈綺。徇時尚。冗
陳疊積。多不可遍及身。而貧人有衣不蔽體。
傍簷露宿。朔風刺骨。寒顫齒擊者。吾高簷大
棟。安居甚適。猶復爲山池臺館。魚鳥花竹聲。

容耳目之玩。或有一奇異。則不惜千金購求之。而貧人緩急無賴。至有損性命。割父子。絕夫婦之歡者。吾爲身家子孫計。已寬然有餘。猶務日辟疆展土。多積厚蓄。爲千百年虞代匱而貧人有室如懸磬。朝不謀夕者。吾財貨紛紜而耳目不及周。精神不及運。不免至狼戾縱橫。陰以潤盜賊囊橐。而貧人偶拾其一遺秉穉穗。則忍不能予。或負貸子錢。通工易。

事則刀錐之末。有盡爭之者。吾盛陳筐篚。攀援豪貴。惟恐不納。而貧人丐一錢之施。延旦夕之命。有艷然作色者。有託在肺腑之親。而不能以貧身歸者。吾多財而招尤取忌。宣侈導淫。因之賈禍。而貧人有待吾鼠壤之餘。以倖爲福利。而不可得者。何世事之參差不齊。一至于此也。吾睹而悲焉。乃欲爲貧人緩頰。勸富人行其德。非槩以古人高誼。如麥舟助。

喪。傾貲賑饑之類。強人所難。惟捐其所無用。
化而爲有用。則無不可爲者。請卽以前事較
度之。賓筵苦醉飽不堪。則何不搏盃盃一二。
以施之。餓而欲死者。使足于半菽可生也。何
不以殘盃冷汁。施之于生平不知肉味者。使
其知人間之有此味也。爲兩得其便乎。然挹
彼注此耳。實非有他費也。衣不可勝用。而敝
之篋笥與無衣同。省一二爲祖褐。以施于衣。

不蔽體者。則人且挾纊。吾文繡亦自不乏也。吾不爲一時耳目之玩。即可全人之性命。與人之骨肉。此高世義舉也。以施于談議。則可傳。以省于深夜。則自得。吾以爲天下之可玩好者。無佳于此矣。夫豈必山池臺館。魚鳥花竹之類。而後爲快乎。吾多積厚蓄。貫朽粟陳。終吾身不盡用。以遺諸子孫。則賢者不恃此足用。愚者雖得此不爲用。將遺之。不知名何。

人乎。亦卒歸無用。何不及吾身而施之。朝不
謀夕者之猶爲有用也。吾所委狼戾縱橫者。
業已寘度外。苟貧人得有之。是拾遺于道也。
非損吾室中之有也。吾何惜。吾盛陳筐篚。攀
援豪貴。寧詎見德。施升斗于涸轍。卽欣欣起
死回生也。何以不爲此而爲彼。吾多財而爲
崇。彼得少而爲福。而吾損有餘。補不足。雖爲
人詒福。實爲我脫禍也。此兩利之道也。徒蓄

膏自煎何。吾故曰。化無用爲有用者。蓋此也。不嘗睹天道人事乎。夫盈虛消長之運。天且弗違。泉貨流行之物。豈居一處。吾不暇遠引爲喻。卽吾井里中。昔所稱富人之家。何可勝數也。今存者幾乎。此疆彼界。封域靡常。王謝故宅。迭更幾姓。彼其子孫之不能終享也。非盡由前人之好施。而不爲遠圖也。盛衰倚伏。勢不得不然也。知其然而上以承天意。下以

順人情。當積則積。當散則散。其來不圉。其去
不慳。可爲已用。亦可爲人用者。達人也。旣以
籠天下之泉貨。而聚之一隅。又設之隄防堙
壅之。以爲已千萬世不拔之業。使不得他有
灌輸者。愚人。也。積陰德爲長久之計者。知人
也。無所不爲而爲者。君子也。

衷言

盛極難繼。持滿易傾。天道乘除。數有一定。而作

兀勞心。自矜謀略。夫豈知神日如電。法網不踈。巷議在前。吏議隨後。惡名一漬。欲洗難除。衆指交加。不催自仆。當斯之際。悖入者不免。悖出多藏者亦復厚。室雖廣而不得寧居。田雖多而不能安享。身旣窘迫。尤累及妻孥。名已僂辱。復玷及祖父。欲益反損。欲進反却。得乎。失乎。利乎。害乎。覆轍在途。殷鑒不遠。雖至愚人。知爲左計矣。獨奈何惡濕而居下。

安危而利災耶。

社倉議

夫神明正直。非可私媚。所福祐者必是好人。既
好人。必行好事。行好事。無大于濟人利物。濟
人利物。無過于凶年饑歲。與人盂飯。可當斗
粟。舉我一念。可活一人。故欲積陰德。行好事
者。惟此時最得力。亦惟此時最省事。神明鑒
察。惟此時最分明。亦惟此時最錫福。諸君如

欲修今生與來世爲身家爲子孫當無以逾此者何故不爲而乃營營焉役役焉求之于茫昧窈冥之中不見有分毫報應之益也

義學約

蒙養極大事亦最難事蓋終身事業此爲根本而混沌初開非可以旦夕取效者乃世俗不知反輕視之不但教學先生自處太輕卽主家禮儀亦甚踈簡謂不過訓蒙而

已庸詎知所係之重。而用功之難。與講授大學者。反倍蓰之哉。

一學生入學。放效古禮。以鮮菜四色。或果盒。或酒肉。爲贄。見禮。初進門。一揖。執贄畢。再揖。請拜。先生受兩拜。答兩拜。揖畢。先生升座。新舊學生分班對拜。舊者居左。新者居右。總兩拜。拜畢。授書。授書畢。學生向上立。先生訓之曰。古人讀書。不是要中舉中進。

士求富貴。頂當門戶。是要多讀書。曉道理。
通達時務。成就好人。到他日做官時。便要
與

朝廷理政事。安百姓。建功立業。所以初學時。就
教他走這條門路。教以學詩書。學禮樂射。
御書數。這都是修身養性。日用緊要的事
件。不似如今。但學作科舉文字而已。

一諸生到齊。排班與先生作揖。仍分班對揖。

其早晚放學亦狀。散班。照長幼次序出門。
務行走端莊。遇親長。恭身施禮。到家與父
母兄長作揖。

一授書畢。正字。講小學一條。講畢。將所授書
分三節。須早間讀會一節。纔放早飯。

一寫倣臨法帖千字文一幅。

一寫倣畢。調平仄對句。或破題。破承。作文者。

間一日一篇。

一講書先說大旨。這一章書。是爲甚麼說次訓字。次逐句俗講。次收繳。次分截段落。中間有關係德行倫理者。便說與學生知道。你也要這等行。纔是好人。有關係修政理事。治民安邦。忠君愛國者。便說道。你他日作官。亦要如此。

一將放晚學。須把當日所授書。俱草草背過。次日早方可熟背。

一每日寫疑難字或文藻字二個。在水牌上。
懸之壁間。與諸生看。仍訓解大義。各令牢
記。待次日背書。講小學後。一同背講。有不
能應對者責。

一放晚學。講賢孝勤學故事一條。吟詩一首。
詩要有關係的。如二月賣新絲。鋤禾日當
午。青青園中葵。木之就規矩。等篇。短者一
首。長者四句。亦豫寫牌上。令各生先自抄。

過臨放學時先生先高聲唱云二月賣新絲諸生俱齊聲相和如此三遍方纔放學待次日放晚學時背講

一學生勤學者有進益者守學規者給免帖一紙遇該責時姑免一次

一勤學守規矩有進益者紀錄在簿爲功勞一分積至十分關白東家給紙筆犒賞一次



女訓約言引

余往同東海馮宗伯及今海虞徐比部相繼纂
男訓二十一卷女訓二十卷以明章內外庶幾
翔實矣顧猶念女子不識字卽訓已詳乎其誰
爲人人講解者是終有男訓無女訓也余用是
乃復采方言俗語可垂法戒者爲女德二十四
條女誡八十有四條總名曰女訓約言附列其
後以翼訓焉蓋訓舉其詳約引其目每條一事

事惟一語。可不煩講解而喻也。若男訓則無用爲此矣。

萬歷癸卯宋龍江主人仲化甫書

女訓約言

一 女德

柔順端莊第一。孝敬和睦第二。勤儉整潔第三。

性格柔順

舉止安詳

持身端正

梳粧典雅 低聲下氣 謹言寡笑

整潔祭祀 孝順公姑 敬事夫主

和睦妯娌 禮貌親戚 寬容婢妾

教道子女 體悉下人 潔治賓筵

謹飭門戶 早起晚眠 少使儉用

學制衣服 學做飲食 打掃宅舍

收拾家火 蠶桑紡織 孳生畜擁

有此女德雖貧賤之家。人看得自然貴重。雖

沒好衣服首飾。有好聲名。自然華美。又携待
的本家父母。與閨族親眷。都有光彩。似這等
也不枉生女一場。

女戒

女人若持身不正。縱才能理家。與各樣好處
都不足觀。故令女誠。必先把持身事。說在前
面。而正內諸事。與持身有關者。緊接其下。蓋
身正方可事公姑。相夫主。處家衆理家事。故

家人次之。家事又次之。凡四段。

莫舉止輕狂

莫妖喬打扮

莫高聲大笑

莫耳軟舌長

莫搬弄是非

莫離間骨肉

莫煩言絮聒

莫巧言狐媚

莫耳邊婆蜥

莫背後唧噥

莫扯村說謊

莫喜佞悅讒

莫逼牆竊聽

莫偷眼邪視

莫眼空意大

莫口懣心苦

莫嫉人勝已

莫夸已笑人

莫倣効男粧

莫倣行男禮

莫賣弄顏色

莫炫耀服飾

莫惡狠打人

莫惡口罵人

莫無病稱病

莫無憂而憂

莫蓬頭垢面

莫赤胸袒膊

莫顯見褻服

莫露出枕蓆

莫男婦同席

莫男女授受

莫買命算卦

莫聽唱說書

莫隨會講經

莫修寺建塔

莫打醮掛幡

莫山頂進香

莫廟宇燒香

莫招神下鬼

莫覓鎮害人

莫看春看燈

莫學彈學唱

莫狎近尼姑

莫招延妓女

莫結拜義親

莫來往三婆

莫輕見外人

莫輕赴酒席

莫內言傳外

莫外言傳內

莫倚門看街

莫酒醉失儀

莫忤逆不孝

莫攪家不賢

莫唆挑夫主

莫欺瞞夫主

莫侮慢夫主

莫鈴束夫主

莫溺愛兒女

莫偏向兒女

莫口談夫過

莫埋怨家貧

莫妯娌不和

莫伯叔爭勝

莫嫉妬婢妾

莫凌虐僕從

莫怠慢窮親

莫結怨鄰家

莫貪心無厭

莫濫費折福

莫隨有隨盡

莫隨做隨毀

莫輕剪羅段

莫多宰鷄鵝

莫好饒貴買

莫懶惰邈邇

莫拋撒物件

莫日晏方起

莫干預外事

莫私放錢債

莫盜轉才物

莫陰厚母家

以上皆虧損女德之事。雖其中小小出入

者。皆世俗常態亦自無妨。然不可不謹也。

其餘則蕩禮踰閑矣。夫婦德而蕩禮踰閑。

縱生長富貴家衣服首飾。從頭到尾。都是
金珠。都是綾錦。也不免被人嗤笑。玷辱父
母。噫。父母生養我一場。我不能與他爭此
志氣。增些光彩。反因我玷辱。被人嗤笑。我
心何安。仔細思想。





